



RE-ANUNSIU PUBLIKU KONA-BA ATRIBUISAUN PRÉMIU SIDADAUN SIVIKU

Forum ONG Timor-Leste parseria ho Gabinete Apoio Sociedade Civil (GASC) no Unidade Auditoria Sosial Gabinete Primeiru Ministru (UAS-GPM) hodi loke oportunidade ba organizasaun sira hanesan Asosiasaun no fundasaun, organizasaun rezisténsia, organizasaun relijiozu, grupu Komunitáriu, individual no instituisaun peskiza privadu sira atu hodi halo kompetisaun ba hakerek **ISTORIA SUSESU** sira husi Implementasaun Programa atu hodi hetan Atribuisaun "**PRÉMIU SIDADAUN SÍVIKU**". Kompetisaun nee sei foka ba programa servisu nebe liga ho setor sira mak hanesan : Auditoria Sosial, Programa reduzaun pobreza, Diversifikasaun Ekonomia Komunitaria liu husi hasae rendimentu familia, Rehabilitasaun no Protesaun Ambiente. Hametin paz, estabilidade, Direitus Humanu, Justisa Sosial no Demokrasia, Edukasaun publiku, Movimentu fetu ba dezenvolvimentu ekonomia, hadi'ak ma-nutrisaun no inseguransa ai-han, Kontrolu no Balansu ne'ebé forte, organizasaun nebe ho parseiru implementadór ne'ebé Forte, reforsa kreatividade no talentu juventude no fetu sira, hadiak saude no edukasaun uma kain. No Reforsa advokasia iha setor oi-oin.

Ba Manán na'in sira sei hetan Prémium **OSAN** no **SERTIFIKADU APRESIASAUN** husi **GOVERNU**.

Kriteria ba kompetisaun mak hanesan :

1. Organizasaun sociedade Sivil, grupu komunitaria sira nebe mak nudar beneficiariu ba fundus husi GASC-UAS GPM husi Orsamentu Geral Estadu ho kategoria Transferensia Publika,
2. Individu no instituisaun peskiza privadu nebe sai beneficiarius ba instiuisaun estadu nian ka Ministeriu Relevantes, Agencia Internasional no koperasaun bilateral sira.
3. Sidadaun Timor-Leste no hatudu ho dokumentus komprovativu sira
4. Kandidatu husi ONG sira bele hare sira nia grupu targetu melhor sira
5. Karta koinesementu/deklarasaun husi chefe suku no aldeia ba fatin implentasaun programa atividade sira
6. Kada organizasaun ka grupu targetu tenki hakerek sira nia **ISTORIA SUSESU** husi implementasaun programa nian ida deit.
7. Kategoria no tipu Prémium ne'ebé mak ita boot sira hakarak nomea/interesse.
8. Hakerek **ISTORIA SUSESU** husi implementasaun programa nian, maximu pagina 10 (sanulu) no minimu pagina 5 (lima) inklui aneksu suporta dokumentasaun sira (foto, video no seluk tan).
9. Kada organizasaun hatama aplikasaun ba kompetisaun nee.
10. Ekipa komisaun organizadora sei halo verifikasaun kandidatu aplikasaun sira iha fatin grupu targetu nian no mos iha GASC-UAS GPM nian.

Data Publikasaun : 10 – 19 Dezembru 2020

Submisaun Dokumentu ISTORIA SUSESU : 15 - 21 Dezembru 2020

Data Verifikasaun ba Organizasaun iha Terenu : 11-15 Janeiru 2021

Anunsia Rezultadu Verifikasaun Kandidatu Forte : 19 Janeiru 2021

Data Kompetisaun Kandidatu Forte : 21 – 22 Janeiru 2021

Data Publikasaun Rezultadu Final no Intrega Premiu : 28 Janeiru 2021

Ba Ita bot sira nebe mak iha interesse bele hatama Ita bot sira nia aplikasaun direita ba Sekretariadu FONGTIL iha Cai-Coli Dili (Rua do Mercado do Municipal Dili) ho Loron no Oras servisu nian (tuku 08:30-17:30 OTL).

Karik presiza informasaun detallu bele kontaktu via numeru telefone : (+670) 7701 2598 / (+670) 77848804 / 7799-9304 ka (+670) 7723-6782. Informasaun detalu bele hare iha Termus da Referensia nebe publika iha media sosial FONGTIL nian : <https://www.facebook.com/FONGTIL-160943704014801/> web: <https://fongtil.org.tl>



Termus de Referensia (TdR)
Atribuisaun Prémium Sidadaun Siviku

Organizasaun sosiedade sivíl iha Timor-Leste (SCTL) nu'udar parseiru importante ba Governu Timor-Leste iha prosesu Dezenvolvimentu Nasionál. Atu hasa'e kapasidade SCTL hodi implementa-nia papél ho di'ak, Governu Timor Leste Estabelese Fundus Apoiu Sosiedade Sivíl (FASC) nu'udar fundu subvensaun publika-ida atu tulun atividade no asaun sosiedade sivíl sira iha Timor-Leste. Organizasaun sira hanesan fundasaun no asosiasaun, organizasaun rezisténsia, organizasaun relijiozu, no Grupu Komunitáriu lubuk-ida mak sai ona benefisiáriu ba FASC no implementa ona sira-nia atividade.

Forum ONG Timor Leste (FONGTIL) nu'udar organizasaun sumbriña ba ONG tomak iha Timor-Leste, servisu hamutuk ho Gabinete Apoiu Sociedade Civil-Gabinete Primeiru Ministru (GASC-GPM) hodi organiza eventua retiru nasional ne'ebé sei inklui Espozisaun, Kolókiu, no Atribuisaun Premiu. Atividade Espozisaun no Kolókiu sei realiza iha loron 15 to'o 17 Dezembru 2020. No Atribuisaun Premiu sei atribui ba manan nain sira iha fulan Janeiru 2021.

Antes atu hala'o Retiru Nasionál Sosiedade Sivíl Timor-Leste, FONGTIL parseria ho GASC no Unidade Auditoria Sosial-Gabinete Primeiru Ministru (UAS-GPM) sei loke oportunidade ba Organizasaun sira hanesan Asosiasaun no fundasaun, organizasaun rezisténsia, organizasaun relijiozu, grupu Komunitáriu, individual no instituisaun peskiza privadu sira atu bele nomea sira-nia organizasaun ka individuál sira ba atribuisaun prémium **Sidadaun Siviku**. Prémium ne'e sei fahe ba kategoria sira hanesan tuirmai:

1. Kategoria Prémium Instituisaun Siviku ba organizasaun ho **Instituisaun Forte**
Prémium ne'e sei entrega ba organizasaun sira nebe hatudu sira-nia kapasidade organizasaun ne'ebé di'ak, inklui iha planu estratéjia nebe di'ak, iha programa no planu asaun anuál ne'ebé implementa ona hodi hatudu rezultadu ne'ebé exelente no halo ona kontribuisaun pozitiva ba vida sosiál no ekonomia comunidade. Prémium ne'e sei atribui bainhira organizasaun hatudu duni sira-nia sistema jestaun rekursu ne'ebé klaru, iha sistema finansas ne'ebé kredível, no iha regra no regulamentu sira ne'ebé klaru. Atu atribui premiu ne'e sei tetu mós oinsa funsionamentu órgaun governativa organizasaun nian.

Ba fundasaun no asosiasaun sira ne'ebé rejistu ona nu'udar membru FONGTIL no iha interese atu hetan atribuisaun prémium ne'e bele nomea sira-nia organizasaun ba komisaun atribuisaun prémium nebe estabelese iha FONGTIL. Prémium sei atribui de'it ba organizasaun no la'ós ba individual.

2. Kategoria Prémium Instituisaun Forte ba Organizasaun *Sociedade Civil* ne'ebé ho **Papél Forte**

Prémium ne'e iha tipu haat (4) ho nivel hanesan, no sei atribui ba grupu ka organizasaun sira ne'ebé hatudu ona sira-nia papél ho di'ak no forte. Tipu prémium sei atribui hanesan tuirmai:

- a. Prémium Sidadaun Siviku-ida atu rekoñese Organizasaun sosiedade sivíl ka grupu ne'ebé halo **Advokasia forte**. Prémium ne'e sei atribui ba organizasaun ne'ebé hatudu sira-nia kapasidade advokasia ne'ebé di'ak, liu-liu advokasia ne'ebé hatudu ona rezultadu atu influénsia política ka inspira reformasaun hodi atinji objetivu estadu, no atu atinji boa-governasaun no ben-estar povu nian.

- b. Prémio Sidadaun Síviku-ida atu rekoñese organizaun nebe halo **Edukasaun Publika Forte**. Prémio ne'e sei atribui ba organizaun ne'ebé demonstra ona rekursu umanu ne'ebé di'ak, facilidade adekuada, sistema edukasaun diak ka maneira kampanya ne'ebé efetivu hodi informa, hanorin, influencia no konxensializa comunidade kona-ba sira-nia direitu, devér, no koñesimentu sira ne'ebé importante atu hasa'e qualidade moris povu Timor-Leste.
- c. Prémio Sidadaun Síviku-ida atu rekoñese Organizaun nebe halo **Kontrolu no Balansu ne'ebé forte**. Prémio ne'e sei atribui ba organizaun ne'ebé hala'o sira-nia knaar ho di'ak atu halo kontrolu ba implementasaun programa públiku ho di'ak, no halo balansu ho ativu no proativu atu bele asegura programa-nia finalidade ida ne'ebé bele iha impaktu pozitivu ba comunidade-nia moris no bele resolve problema nasonál.
- d. Prémio Sidadaun Síviku-ida ba organizaun ne'ebé hatudu kapasidade **sai parseiru implementadór ne'ebé Forte**. Prémio ne'e sei atribui ba organizaun sira ne'ebé sai ona parseiru di'ak ba setór públiku ka privadu hodi hala'o ona implementasaun programa ho di'ak, no demonstra duni rezultadu ne'ebé iha impaktu pozitivu ba comunidade ka sosiedade-nia prósperu.
3. Categoria Prémio Movimentu Síviku ba **Movimentu Timor Haksolok**. Prémio ne'e iha tipu neen (6) ne'ebé sei atribui ba organizaun ka indivídu sira nebe hala'o movimentu liuhusi asaun, promosaun idea sira, no konseitu atu halo movimentu **atu atinji Timor-Leste ida ho Sosiedade Haksolok**. Tipu prémio ne'e mak hanesan tuirmai:
- a. Prémio Movimentu Síviku hodi rekonese Movimentu nebe **atu hasa'e rendimentu família**. Prémio ne'e sei atribui ba organizaun, indivíduu ka instituisaun peskiza ne'ebé liuhusi sira-nia asaun, ka promosaun idea, ka konseitu sira ne'ebé mobiliza ona comunidade atu hala'o atividade sira hodi hadi'ak rendimentu uma-kain, nomós hasa'e kapasidade uma-kain ba asesu ai-han nutritivu, no investe iha setór edukasaun hodi sira-nia oan asesu ba edukasaun-ida qualidade ne'ebé implika ona ba qualidade rekursu umanu iha Timor-Leste.
- b. Prémio Movimentu Síviku ba movimentu nebe **atu hadi'ak malnutrisaun no inseguransa ai-han**. Prémio ne'e sei atribui ba organizaun, indivíduu ka instituisaun peskiza ne'ebé liuhusi sira-nia asaun, ka promosaun idea, ka konseitu sira ne'ebé mobiliza ona comunidade atu hadi'ak nutrisaun no garante ai-han-ida seguru iha uma-kain.
- c. Prémio Movimentu Síviku ba Movimentu nebe **atu hametin pás, estabilidade seguransa, direitu umanu, no demokrasia**. Prémio ne'e sei atribui ba organizaun, indivíduu, ka instituisaun peskiza sira ne'ebé liuhusi sira-nia asaun ka promosaun idea ka konseitu sira ne'ebé mobiliza ona comunidade atu hametin pás, estabilidade seguransa, direitu umanu, no demokrasia hodi hametin estadu direitu demokrátiku.
- d. Prémio Movimentu Síviku ba Movimentu nebe **atu Proteje no Rekupera ambiente**. Prémio ne'e sei atribui ba organizaun, indivíduu, ka instituisaun peskiza sira ne'ebé liuhusi sira-nia asaun, ka promosaun idea no konseitu ne'ebé mobiliza ona entidade ka comunidade sira atu proteje no recupera ambiente hodi atinji Timor-Leste ida ne'ebé iha ambiente-ida seguru, saudavel, paizajen furak, no fornese benefisiu ekonomia.
- e. Prémio Movimentu Síviku ba Movimentu nebe **atu reforsa kriadividade no talentu juventude no feto sira**. Prémio ne'e sei atribui ba organizaun, individual, ka instituisaun peskiza ne'ebé liuhusi sira-nia asaun ka promosaun idea no konseitu ne'ebé mobiliza ona juventude no

feto sira atu promove sira-nia talentu ka kreatividade hodi hamosu idea no konseitu inovativu.

f. **Prémio Movimentu Síviku ba Movimentu nebe atu hadi'ak saúde no edukasaun uma-kain.**

Prémio ne'e sei atribui ba organizasaun, individu u ka instituisaun peskiza sira liuhusi sira-nia asaun ka promosaun idea no konseitu ne'ebé mobiliza ona komidade atu hadi'ak kondisaun saúde no edukasaun uma-kain nian hodi sira bele fornese edukasaun-ida kualidade ba sira-nia oan.

Atu hetan prémio ne'e, parte interesada sira sei nomea mai husi organizasaun, individu u ka instituisaun peskiza liuhusi karta nomeasaun ne'ebé sei haruka ba komisaun atribuisaun prémio ne'ebé estabesele iha FONGTIL.

Kriteria Geral :

1. Organizasaun sosiedade Sivil, grupu komunitaria sira nebe mak nudar benefisiaru ba fundus husi GASC-UAS GPM husi Orsamentu Geral Estadu ho kategoria Transferensia Publika,
2. Individu no instituisaun peskiza privadu nebe sai benefisiarius ba instiuisaun estadu nian ka Ministeriu Relevantes, Agensia Internasional no koperasaun bilateral sira.
3. Sidadaun Timor-Leste no hatudu ho dokumentus komprovalu sira
4. Kandidatu husi ONG sira bele hare sira nia grupu targetu melhor sira
5. Karta koinesementu/deklarasaun husi chefe suku no aldeia ba fatin implentasaun programa atividade sira

Kriteria Espesifiku :

1. Kada **organizasaun**, Individu no instituisaun peskiza privadu tenki hakerek sira **ISTORIA SUSESU** husi implentasaun programa nian
2. Kategoria no tipu Prémio ne'ebé mak ita boot sira hakarak nomea/interesse.
3. Hakerek **ISTORIA SUSESU** husi implentasaun programa nian, maximu pagina 10 (sanulu) no minimu pagina 5 (lima) inklui aneksu suporta dokumentasaun sira (foto, video no seluk tan)
4. Kada organizasaun hatama aplikasaun ba kompetisaun nee
5. Ekipa komisaun organizadora sei halo verifikasaun kandidatu aplikasaun sira iha fatin grupu targetu nian no mos iha GASC-UAS GPM nian.

Orariu Implementasaun :

Data Publikasaun	: 10 – 19 Dezembru 2020
Submisaun Dokumentu ISTORIA SUSESU	: 15 - 21 Dezembru 2020
Data Verifikasaun ba Organizasaun iha Terenu	: 11-15 Janeiru 2021
Anunsia Rezultadu Verifikaun Kandidatu Forte	: 19 Janeiru 2021
Data Kompetisaun Kandidatu Forte	: 21 – 22 Janeiru 2021
Data Publikasaun Rezultadu Final no Intrega Premiu	: 28 Janeiru 2021

Karik presiza informasaun detalla, favór kontaktu via número telemovel: (+670) 7701 2598 / (+670) 77848804 / 7799-9304 ka (+670) 7723-6782.

Dili, 10 Dezembru 2020

Daniel Santos Do Carmo
Diretór Ezekutivu FONGTIL



Termus de Referensia (TdR)
Retiru Nasional Oganizasaun Sosiedade Sivil (OSS) iha Timor-Leste

A. Intrudusaun :

Organizasaun sosiedade sivil iha Timor-Leste (SCTL) nu'udar parseiru importante ba Governu Timor-Leste iha prosesu Dezenvolvimentu Nasionál. Atu hasa'e kapasidade SCTL hodi implementa-nia papél ho di'ak, Governu Timor Leste Estabelese Fundus Apoiu Sosiedade Sivil (FASC) nu'udar fundu subvensaun publika-ida atu tulun atividade no asaun sosiedade sivil sira iha Timor-Leste. Organizasaun sira hanesan fundasaun no asosiasaun, organizasaun rezisténsia, organizasaun relijiozu, no Grupu Komunitáriu lubuk-ida mak sai ona benefisiáriu ba FASC no implementa ona sira-nia atividade.

Forum ONG Timor Leste (FONGTIL) nu'udar organizasaun sumbriña ba ONG tomak iha Timor-Leste, servisu hamutuk ho Gabinete Apoiu Sociedade Civil-Gabinete Primeiru Ministru (GASC-GPM) hodi organiza eventu retiru nasional ne'ebé sei inklui Espozisaun, Kolókiu, no Atribuisaun Premiu. Atividade Espozisaun no Kolókiu sei realiza iha loron 15 to' o 17 Dezembru 2020. No Atribuisaun Premiu sei atribui ba manan nain sira iha fulan Janeiru 2021.

Iha parte *Espozisaun* nian, FONGTIL sei konvida organizasaun 81 nebe nudar benefisiariu husi Orsamentu Geral Estadu (OGE) 2019 – 2020 liu husi Gabinete Apoiu Sociedade Civil - Gabinete Primeiru Ministru (GASC-GPM) no Unidade Auditoria Sosial - Gabinete Primeiru Ministru (UAS-GPM) ba apoiu Iniativus ne'ebe relasiona ho Projetus oin-oin hanesan obra ba Konstrusaun, Edukasaun Sidadania, Kapasitasaun/Formasaun, Boa Governasaun/Auditoria Sosial no Dezenvolvimentu comunidade iha Munisipiu no RAEOA inklui obra sira ne'ebé dezignadu ba organizasaun Registensia no confições Religiozu. Retiru Nasional nee rasik ho tema Sentral “*Movimentu Sidadaun Siviku*”.

FONGTIL mos sei organiza *Kolókiu* ho metode Talk Show iha programa Ita nia Bainaka iha RTTL.Ep ho issue tematiku 8 (walu) ho oradores prinsipal 3 (tolu) nebe kada issue tematiku kompostu husi representante governu/instituisaun relevantes, organizasaun sosiedade sivil no setor privadu sira. Issue tematiku sira nee mak hanesan : Kontribuisaun Kooperativa Nasional no Setor Privadu ba reduzaun pobresa, Politika Diversifikasaun Ekonomia Komunitaria, Rehabilitasaun no Protesaun Ambiente, Direitus Humanu, Justisa Sosial no Demokrasia, Politika Governu ba Sosiedade Sivil atu atinji Planu Estrategia Dezenvolvimentu Nasional (PEDN) 2011 – 2030 no Objetivu Dezenvolvimentu Sustentavel (ODS), Deskobrmentu no Rekomendasaun Relatoriu Auditoria Sosial, Institusionalisa

Auditoria Social hodi garante Partisipasaun Sidadaun ba prosesu Dezemvolvimentu Nasional, Movimentu fetu ba dezemvolvimentu ekonomia no Scaling Up Nutrition Movement.

Iha **Atribuisaun Premiu Sidadaun Síviku**, FONGTIL sei loke oportunidade ba organizaun sosiedade sivil sira hanesan Asosiasaun no Fundasaun, Organizaun Rezisténsia, Organizaun Relijiozu, Grupu Komunitáriu, Individual no Instituisaun Peskiza nebe hetan ona Benefisiu husu Fundus Governu no mos husi fundus parseiru estratejiku sira seluk durante ne'e, atu bele nomea sira-nia organizaun ka Individuál sira hodi hakerek artigu kona-ba ISTORIA SUSESU ba Implementasaun Programa husi organizaun nian ba atribuisaun prémiu **Sidadaun Síviku** husi tinan 2016-2020. FONGTIL mos sei koopera ho ONG Internasional no Parseiru Estratejiku sira seluk atu bele hola parte iha eventu Retiru Nasional nee.

B. Objektivu :

Husi Retiru Nasional nee iha Objektivu Prinsipal 3 (tolu) mak hanesan :

1. Objektivu Expozisaun : Atu promove rezultadu produktu husi organisasun sosiedade sivil sira hanesan Asosiasaun no Fundasaun, Organizaun Rezisténsia, Organizaun Relijiozu, Grupu Komunitáriu, Individual no Instituisaun Peskiza no motiva parseiru sira tomak hasa'e produtividade no apresenta rezultadu husi sira nia atividade ida-ida nian hodi kontribui ba Dezemvolvimentu Nasional.
2. Objektivu Kolókiu : Atu Organizaun sosiedade sivil sira no publiku bele hatene informasaun no esperensia sira liga ho issue tematiku sira husi Sosiedade no nudar referencia ba organizaun sosiedade sivil sira iha futuru.
3. Objektivu Atribuisaun Premiu Sidadaun Síviku : Atu fo oportunidade no valoriza organizaun sira hanesan Asosiasaun no Fundasaun, Organizaun Rezisténsia, Organizaun Relijiozu, Grupu Komunitáriu, Individual no Instituisaun Peskiza sira atu hodi kompete ba hakerek Istoria Susesu husi sira nia programa nebe implementa ona.

C. Metodologia Espoziasaun, Kolokiu no Atribuisaun Premiu mak hanesan :

1. FONGTIL sei organiza enkontru entre GASC no UAS ho parseiru sira hodi intrudus kona ba prosedimentus ba expozaun, kolokiu no atribuisaun premiu
2. Organizaun hotu-hotu sei hetan oportunidade loron 3 hodi apresenta sira nia rezultadu implementasaun programa/aktividade sira iha espozisaun ne'e.
3. Materia sira ne'ebe parseirus organizaun Sosiedade Sivil sira sei apresenta iha expozaun ne'e mak prosesu no rezultadu implementasun programa, liu husi expo ho modelu livrinus, foto grafia, vidio, material konkreta, brosur no seluk seluk tan.
4. Proponentes hotu-hotu obrigatoriu partisipa iha expozaun refere durante loron tolu nia laran.
5. Publikasaun Informasun ba Kompetisaun hakerek artigu kona-ba programa susesu servisu sira husi organizaun sosiedade sivil hanesan Asosiasaun no Fundasaun, Organizaun Rezisténsia, Organizaun Relijiozu, Grupu Komunitáriu, Individual no Instituisaun Peskiza.

D. Kritériu Partisipante ba Espozisaun, Kolokiu no Atribuisaun Premiu

1. Sidadaun Timor-Leste
2. Kada organizasaun sei delega ema nain rua (feto ka mane) hodi representa nia organizasaun
3. Representante organizasaun nebe hein iha ida-ida ninia stand tenki domina informasaun hodi intrudus sira nia atividades no rezultadu sira ba vizitors.
4. Oras Expozisaun 15.00 – 20.00 pm
5. Saúde di'ak ho standar prevensaun COVID-19 (bee no sabaun fase liman, uza masker, distansia sosial) nebe sei prepara husi komisaun organizadora.
6. Organizasaun sira ne'ebe atu hola parte iha espozisaun mak sira nebe hetan ona apoiu husi GASC no UAS ba implementa atividade iha tinan 2019-2020.
7. Prontu serbisu hamutuk ho grupu seluk no bele adapta ho kondisaun oioin
8. Prontu tuir atividade husi inisiu too remata
9. Prontu tuir regra no responsabilidade relasiona ho atividade espozisaun nian
10. Organizasaun benefisiariu sira tenki asegura fasilidade publiku sira nebe instala iha fatin expozisaun
11. Organizasaun benefisiariu tenki expose sira nia rezultadu servisu bazeia programa servisu nian .
12. Loron 3 (tolu) antes hahu expozisaun, organizasaun benefisiariu sira halo ona preparasaun iha fatin expozisaun nian no sei kordena ho Sekretariadu FONGTIL.
13. Delegasaun husi organizasaun nebe atu partisipa expozisaun sei hetan ID husi komisaun organizadora.
14. Sira nebe hein stand tenki uza ID nebe komisaun organizadora distribui ona
15. Loron registu ba kandidatu expozisaun nian sei hahu husi dia 04 – 07 Dezembru 2020
16. Kada organizasaun benefisiariu tenki aprezena prefil organizasaun nian wainhira atu registu.
17. Komisaun organizadora sei prepara plaka/papan ba kada organizasaun nia stand
18. Wainhira atu regista, kada organizasaun benefisiariu sira tenki aprezena identidade no foto grafia (3 x4) koloridu ba foto ID
19. Rezultadu nebe lori mai expo bele mos faan hodi kontribui ba sustentabilidade organizasaun nian.
20. FONGTIL bele loke stand ba sasan elektronik sira (Timor Telekom no Telemor).
21. Fo oportunidade ba ONG sira atu lori sira nia produktu lokal (ho menu lokal nebe organiku).
22. Kriteria Atribuisaun bele hare iha <https://www.facebook.com/FONGTIL-160943704014801/> web: <https://fongtil.org.tl>



E. Tematiku nebe ita sei koalia iha kolokiu Sosiedade Sivil nee sei mai husi Membru Governu nain ida no husi Sosiedade Sivil no Setor Privadu mak hanesan :

1. Kontribuisaun Kooperativa Nasional no Setor Privadu ba reduzaun pobresa (SE. Secretario Estado Coperativa Sr. Elizario Fereira, Diretor Tuba Rai Metin no Diretor MAEKOM, Sr. Rui Castro)
2. Politika Diversifikasaun Ekonomia Komunitaria (Chefe Gabinete do Primeiro-Ministro Dr. Azevedo Lourenço Marcal, Diretor AHCAE Sr. Domingos Ati & Diretora Fundacao HABURAS MORIS, Sra. Emerensiana Nipu)
3. Rehabilitasaun no Protesaun Ambiente (SE. Sec Estado Meiu Ambiente Sr. Demetrio Amaral, Diretor Permatil Sr. Ego Lemos, Diretor FRATERNA, Sr. Venancio de Jesus).
4. Direitus Humanu, Justisa Social no Demokrasia. Komisaria PDHJ Dra. Jesuina Ferreira Gomes (Director AJAR Dr. José Luis de Oliveira, Diretor AHMDTL, Sr. Gaspar Afonso).
5. Politika Governu ba Sociedade Civil atu atinji PDN no ODS (Coordenador GASC Dr. Filipe da Costa, Presidente Board Rede Feto Sra. Yasinta Luzinha , Diretor CEPAD Dr. João Boavida).
6. Deskobrmentu no Rekomendasaun Relatoriu Auditoria Social, Institucionalisa Auditoria Social hodi garante Partisipasaun Sidadaun ba prosesu Dezenvolvimento Nacional. Coordenadora UAS Sra. Sonia R. Leite, Diretor FONGTIL Sr. Daniel do Carmo, KD Renas Sr. Justinho da Silva).
7. Movementu feto ba dezenvolvimentu ekonomia (SE. Secretario Estado SEII Dra Maria Jose da Fonceca, Grupu HAFUCU, Grupu HIKMOR)
8. Scaling Up Nutrition Movement, Xefe Departementu Nutrisaun Ministeriu Saude, Dra. Olinda Albino, Diretor Jeventude ba Dezenvolvimentu Nasional (JDN) no Diretora HIAM HEALTH, Sra. Rosalia Martins da Cruz).

F. Agenda :

HORAS	ATIVIDADE	RESPONSAVEL	OSERVADOR
Tersa, 15 Dezembru 2020			
16:00 - 17:00	Animasaun ho Banda Múzika, Dansa Kultura “Fo Bemvindu” (Grupu Leziaval) Reza	MC	Koord. EXPO
17:00 – 17:15	Diskursu husi Koordenadora Komisaun Organizadora	MC	Ekipa Protokolu
17:15 – 17:30	Breves Palavras husi Coordenador Gabinete Apoiu Sosiedade Sivil (GASS - GPM)		
17:30 – 18:15	Intervensaun no Abertura ba Retiru Nasional Organizaasaun Sosiedade Sivil husi Sua Exelensia Prezidente Repúblika		
18:15 – 18:30	Dansa Kultura (Leziaval) Sesaun Foto Hamutuk		
18:30-19:30	koketél Dansa kultura (Leziaval) Banda Múzika		
19:30- 20:00	Vizita stand Akompanha Animasaun husi banda Musika	MC	Prezidente Republika no Bainaka sira seluk sei akompaña husi Koord. GASS no Koord. EXPO
20:00-22:00	Banda Múzika Kuis 10 no Premiu 10 ba labarik Feto no Mane	MC	Ekipa organizadora
Kuarta, 16 Dezembru 2020			
16:00-17:00	Animasaun ho Banda Múzika	MC	Koord,EXPO
17:00-17:05	Intrudus agenda no konvida vizitantes hodi partisipa iha Talk Show kona-ba Scaling Up Nutrition Movement		Koord. EXPO, Ekipa Protokolo no Ekipa Mobilizasaun
17:05-18:30	Talk Show kona-ba Scaling Up Nutrition Movement no Sesaun husu & hatan		Ekipa Protokolu
18:30-19:00	Dansa Kultura Banda Múzika		
19:00- 22:00	Banda Múzika Kuis 10 no Premiu 10 ba labarik Feto no ane		

HORAS	ATIVIDADE	RESPONSAVEL	OSERVADOR
17 Dezembru 2020			
16:00 - 17:00	Animasaun ho Banda Múzika	MC	Koord, EXPO
17:00 - 17:15	Aprezenta agenda 17 Dezembru 2020. Dansas Kultura (Leziaval)		Ekipa Protokolu
17:15 - 17:30	Kordenadora Komisaun Organizadora relata progresu servisu 15-16 Dezembru 2020 no		
17:30 - 18:00	Intervensaun no apresiasaun husi Chefe de Gabinete do Primeiro Ministro, Dr. Azevedo Lourenço da Costa Marçal no Halo Enseramentu		
18:00 - 19:30	Dansas Kultura koketél Banda Múzika		
19:30 - 20:00	Vizita Stand		Chefe de Gabinete do Primeiro Ministro no Bainaka sira seluk sei akompañia husi Koord. GASS no Koord. EXPO (optional) karik PM partisipa ona iha primeiro dia
20:00 - 22:00	Banda Múzika Kuis 10 no Premiu 20 ba labarik Feto no ane	MC	

G. Komisaun Organizadora :

FONGTIL mos iha ona ekipa komisaun ba organiza atividade retiru nasional (espozisaun, kolokiu no atribuisaun premiu) mak hanesan Koordinator ekipa, Vise koordinator, Sekretáriu, Tezureiro, Seksaun, Media komunikasaun no relasaun publika, Seksaun Konsumu, Seksaun Logistic, Seksaun Mobilizasaun Programa no protokolo, no mos Seksaun Seguransa.

Nee mak Termus de Referensia (TdR) ba Retiru Nasional Organizasaun Sosiedade Sivil (OSS) iha Timor Leste. Karik presiza informasaun detalu bele konfirma via numeru telefone : (+670) 77999304 / (+670) 77236782.

Dili, 10 Dezembru 2020

Daniel Santos do Carmo
Diretor Ezekutivu FONGTIL

TdR Retiru Nasional Organizasaun Sosiedade Sivil iha Timor-Leste 2020